



Scientia Sanctorum

Collecta Ex Meditationibus Ludovici De Ponte, Joannis Busaei, Joan. Suffren, Juliani Hayneufve, Et Antonii Gaudier, &c. E Societate Jesu, In Dominicis, Festa & ferias totius Anni digesta. Cum Indicibus duobus. I. In singulos dies. II. Ad Exercitia Spiritualia

Puente, Luis de la

Dilingæ, 1685

Introductio.

[urn:nbn:de:hbz:466:1-60588](https://nbn-resolving.org/urn:nbn:de:hbz:466:1-60588)



PARS QUARTA
MEDITATIONVM.

De Passione Domini nostri
IESU Christi.

INTRODUCTIO AD
Meditationes hujus quartæ
partis.

De Passione Domini.

MEDITATIO de Passione Domini tametsi peculiariter conveniat vitæ illuminativæ, confert tamen omnibus. Inde enim juvantur peccatores ad resipiscendum, incipientes ad passiones edomandas, proficientes ad progressum in virtutibus, perfecti ad unionem cum Deo. Per eam innovantur prodigia mortis Christi in animis. *Terra tremit*, hoc est: terrena corda concuciantur salubri metu à tam severa animadversione divinæ justitiæ in Filium ob peccata aliena. *Petra scinduntur*, emolliente dolore de peccatis, pro quibus talia Christus perpeffus sit. *Sepulchra aperiuntur*, per humilem confessionem in resurrectionem novæ vitæ. *Velum templi rumpitur à summo usque deorsum*, ut

Utilitas.
Mart. 28. 51.
Timor.
Contritio.
Confessio.
Contemptio.
rele-

relevata facie, gloriam Domini speculari liceat, tum summa divinarum perfectionum, tum ima carnis assumptæ. Hæc petra est refugium herinaceis, hoc est, peccatoribus horrentibus à spinis. Huc puriores, ut columbæ advolant, & in foraminibus petræ hujus nidificant. Et alij quasi cervi soliti montes excelsos petere (quorum conversatio in cœlis est) inveniunt locum requietionis suæ. Hinc *sugunt omnes mel de petra, oleumque de saxo durissimo*: fuit enim Christus in Passione sua quasi petra durissima ad sustinendum cruciatus & injurias, & ex ea percussa manavit oleum ad curanda vulnera nostra, & mel cœlestium consolationum.

Deut.
32.13.

Finis.

Modus
medi-
tandi.

I.
Iustini-
anus.

Gen. 22.
13.

Ex hoc principio colligi potest, qualis debeat esse finis cujusque in meditando; nempe vel purgandi animam à peccatis, vel promovendi in virtutibus, vel uniendi cum Deo per affectus charitatis ardentis. Porro passionem meditari licet per modum tum gaudij, tum mœroris. Gaudio est, quòd, ut ait Iustinianus, *divina miserationis referatur abyssus; cœlorum aperitur janua, charitatis latitudo ostenditur, & quantum sic homo demonstratur. Vile enim esse non potest, quod Filii Dei sanguine comparatur.* Hinc Abraham in ariete, loco filii sui Isaac substituto, videns hunc diem Dominicæ Passionis, gavisus est. Et ipse Christus coronationis, desponsationis, & lætitiæ cordis sui diem hunc vocat in Cantico. Modus iste convenit perfectis.

Etis. Alter modus est mœroris & compassionis, quòd Christus tanta sit passus, & ego causam præbuerim: cùmque ille sic exhorruerit, & tristatus fuerit, decet me compati, ne cadat in me illa ejus quærela: *Sustinui, qui simul contristaretur, & non fuit; & qui consolaretur, & non inveni.* Porro Christus bibit calicem Passionis, tum terendo cruciatus in corpore, tum eos priùs animo reputando. De priori modo dixit filius Zebedæi: *Potestis bibere calicem, quem ego bibiturus sum?* De posteriori autem apud Marcum additur: *Potestis bibere calicem, quem ego bibo, aut baptismo, quo ego baptizor, baptizari?* quasi assiduè biberet etiam tunc præensione impendentis supplicii; sed in horto Gethsemani planè exhaustit. Quare debemus contendere, ut utroque modo etiam nos calicem bibamus, tum conformitate patiendi, tum affectu compassionis.

In affectu hoc imitabimur Christi Matrem, cujus animam pertransiuit gladius: Et est peculiare donum Dei, de quo Isaias: *Aspicient ad me, quem confixerunt, & plangent, quasi super unigenitum:* quod etsi exponi solet de Iudæis serò lugentibus peccatum suum; tamen convenit in eos etiam, qui serò cogitant se dedisse causam Christi morti, & ex intimis sensibus dolent. Sed hoc satis non est, nisi accedat conformatio in passionibus, partim assumptis voluntariis pœnis corporis, partim ultrò obveni-

II.

Psf. 68.

21.

Christus

passus

corpore

& anima

Matth.

20. 22.

Marc.

10. 38.

Imitatio

Christi.

Luc. 2.

35.

Zach.

12. 10.

4 *Introduct. ad Medit. IV. Part.*

nientibus incommodis gravanter suscipiendis.
Phil. 1. Nam Paulus in donis Dei ponit, *non solum, ut*
29. *in eum credatis, sed ut etiam pro illo patiamini.*
2. Cor. Et alibi de se scribit. *Semper mortificationem Ie-*
4. 10. *su in corpore nostro circumferentes, ut vita IESU*
Gal. 6. *manifestetur in corporibus nostris. Et de hoc*
17. *gloriatur. Ego stigmata Domini Iesu in corpore*
1. Pet. 4. *meo porto. Præter hæc, & ex his consequetur*
1. *studium imitandi heroicas virtutes, quarum vi-*
Præpa- *rum exemplar in sua Passione Dominus expres-*
ratio. *sit: qui finis est præcipuus, & commendatur à*
Eccl. 18. *D. Petro, cum ait, Christo igitur passo in carne*
23. *& vos eadem cogitatione armamini.*
Thren. Jam, ut finem propositum in Meditatione
3. 20. *dominicæ Passionis assequamur, opus est præ-*
3. 20. *paratione, non solum ob communem rationem*
3. 20. *qua jubemur ante orationem præparare ani-*
3. 20. *mam, ne simus, quasi homo qui tentat Deum,*
3. 20. *sed etiam ob specialem, quia ipsemet Dominus,*
3. 20. *ad obeundam passionem, semet magno studio*
3. 20. *comparavit. Quare cogitabo, ipsum Christum*
3. 20. *mihî dicere illud: Recordare paupertatis mee,*
3. 20. *absynthis & fellis. Respondebo autem, quod*
3. 20. *subjicitur: Memoria memor ero, & tabescet in*
3. 20. *me anima mea: Hæc recolens in corde meo, ideo*
3. 20. *sperabo. Nam devota commemoratio Passionis*
3. 20. *Christi fiduciam excitat. Præparatio igitur esse*
3. 20. *debet, quam præscribit Bonaventura. Debet*
3. 20. *homo aggredi hoc tam nobile opus humiliter,*
3. 20. *confidenter, instanter, & cum quanta potest*
3. 20. *cordis sui munditia.*

I. *Humi-*

I. *Humiliter*, non solum ex communi causa, quia initio rationis *justus prior est accusator sui*; ^{I. Humili-} sed speciatim ex consideratione, quod ego Do-^{ter.} minum meum in eas ærumnas conjecerim, un-^{Prov.} de magnopere confundar. Amplius reputabo ^{18, 17.} me indignum, qui Christo patienti assistam: nam privilegii fuit, quod tribus discipulis in orto communicavit sui animi angorem, quodque Joannem & Magdalenam sibi morienti interesse voluit cum matre sua. Superbi autem arcentur ab isto spectaculo. Sicut in Job dicitur: *Timebunt, & non audebunt contemplari omnes, Ioan 370* ^{24.} *qui sibi videntur esse sapientes.*

II. *Confidenter*, quod fiam particeps fructus, ^{II. Confi-} ob quem passus est Dominus, si Passionis ipsius ^{denter.} meditationi intendam. Et excitabo fiduciam ex triplici capite, ex *merito* ejusdem Passionis, ex *affectu* illo Christi, quo misertus nostri factus est noster advocatus per Passionem suam, denique ab *exemplo* latronis, qui in cruce locum gratiæ invenit.

III. *Instante*, ut oravit Christus ante Passio- ^{III. Instan-} nem, non somnolenter, ut discipuli. ^{ter.}

IV. Cum *munditiâ*, quales decet pro tam pre- ^{IV. Mundè.} tioso liquore excipiendo nos exhibere. ^{Modus.}

Restat dicere de modo meditandi, qui ad vi- ^{Medi-} tandum tædium, potest esse multiplex. ^{Modus.} Duo ^{medi-} sunt modi supra indicati, vel ut consideretur ^{tandi.} universè ipsa Passio, tanquam insigne beneficium nobis collatum, grates Deo agendo; vel ut summè afflictiva Christi, ei compatiendo.

Specia-
lior.

Sed specialius ad singulas Passionis partes descendere debemus, idque duobus item modis. Vel persequendo ordine historiam, & in singulis partibus immorando, pro ratione fructus qui percipitur, vel aliquam ex virtutibus Christi, in Passione præcipue relucens, ob oculos proponendo, & actus omnes ubi enituit, studiosè percurrendo, vel loco virtutis certum genus doloris aut contumeliæ, quod sustinuit, per plures occasiones, similiter expendendo, vel denique quæcunque in uno aliquo corporis membro pertulit, simul colligendo.

MEDITATIO PRIMA.

*Et quasi fundamentum reliquarum,
de circumstantiis Dominicæ
Passionis.*

PUNCTUM PRIMUM.

1. Pet. 2. 1. **Q**uis patitur? 1. Agnus sine macula, qui peccatum non fecit, nec inventus est dolus in ore ejus, Sanctus Sanctorum, cui Spiritus datus est absque mensura. Quem ipsi Crucifixo-
Persona 1. Filium Dei, & justum agnoverunt, quando
patientis Matt. 27. 54. compuncti dicebant: *verè filius Dei, & homo ju-*
Luc. 33. 47. *stus erat iste.* 2. Patitur is, qui se totum impende-
2. rat in beneficium aliorum *benefaciendo, & sa-*
Ahor. 10. 38. *nando omnes oppressos à diabolo.* Itaque non solum talia supplicia meritis non fuerat, sed omne potius obsequium unde conqueritur: *Re-*
tri-